



Ad Wënd gāndg n basa maam zamã wã, tudgr la yĩmbu la b sēn modg-b tı b maan bũmb ningã

Yii a [bn ‘Abaas nengẽ, (Wënd yard be b yiibã yĩnga), tı Wënd Tēn-tuuma, (Wënd puusg la A tıgr be a yĩnga) a yeelame: «Ad Wënd gāndg n basa maam zamã wã, tudgr la yĩmbu la b sēn modg-b tı b maan bũmb ningã».

[قال النووي: حديث حسن] [رواه ابن ماجه والبيهقي وغيرهما]

Nabiyaamã (Wënd puusg la A tıgr be a yĩnga) kōta kibare tı Wënd yaafame n bas a zãmã wã, halhaal a tãab pugẽ: Rēenemã: yaa tudgri, yẽ yaa b sēn maan bũmb tı ka tũ ne putoogo, la a yaa lıslaam sēn na n toglg n maan tuumde, t'a yōsg n kēng zıig ning yẽ sēn ka ratã. Yiib soabã: yaa yĩmbu, la yẽ yaa lıslaam sēn na n tēr bũmbu, la tuumdã wakatã a yĩmd-a lame, yẽ ka tar zũnuub ye. Tãab soaba: yaa modgre, wakat ninga b tōe n modga yamba t'a maan tuumd a sēn ka rate, la a ka tar tōog n na n tus modgrã n yi a meng ye, wakat-kāngã zũnuub maa taall ka ne-a ye. N lagem ne ges sōng tı hadiisã gom-zugã, yaa sēn be yambã ne a Soabã suka, sēn yaa yel nins sēn gidgã maanego, la sã n yaa b sēn sagl bũmb ningã la b bas n ka maan-a tı yaa yĩmbu, ad rēnda ka lut ye rēndame t'a maan-a, la sã n mikame tı b sēn modg-a t'a maan tuum ningã, a tug n sãama ned bũmbu, maa a beega neda, rēnd bōn-naanegã hake wã ka lut ye, wala a sēn na n ku ned bilgri, rēnd yōorã yaood yaa tılae n zao-a, maa a tudg n sãama ned bũmbu, rēnd yaoodã zao a zugu.

<https://sunnah.global/hadeeth/mos/show/4216>

